

# ХӨӨЧИН ДУН

Хамр, цомгуд деегүрнъ  
Хөөгъән хәрүләд йовхларн,  
Хальмгин сәәхн теегән  
Хәләдж бахм ханхш.

Шундж асрсн малмудм  
Шуугад өсәд йовна,  
Дурта Хальмг нутгм  
Дүрклдж делгү өснә.

Торгън ноосиг икдүлдж  
Төрскән хувцар элвджәнәв,  
Тоомсрта хөөч болдж  
Москван гәәхүлд однав.

Дуүвр иньгм тегәд  
Дурта нанд болх,  
Делкән нарн — Москвад  
Дахулад чамтагъан одхв. . .

Хамр, цомгуд деегүрнъ  
Хөөгъән хәрүләд йовхларн,  
Хальмгин сәәхн теегән  
Хәләдж бахм ханхш.

ТҮЛМДЖИН Михаил.